



PARS SECUNDA

De Dispositione Librorum Bi-
blicorum in specie.

CAPUT I.

*De Distinctione Librorum Bi-
blicorum.*

Qui sacras tractant literas, vel integrum librum, vel certam quandam particulam auditoribus proponunt; Utrobiq̄ue in disponendo textu feliciusq̄ue tractando certa præcepta sunt necessaria. Cum de integro aliquo libro meditatio instituitur, ante omnia in conspectu sit *Distinctio Librorum Biblicorum*, quæ varia est.

1. Primùm enim distinguuntur ratio *Distinctio*
ne temporis, in libros Veteris & Novi Te- *librorum*
stamenti, qua appellatione testamenti u- *Biblicorū*
titur Scriptura 2. Cor. 3, 14. Quamquam *in libros*
Augustinus censet, distinctius Vetus & No- *Veteris &*
vum Instrumentum appellari, quam testa- *Novi Te-*
mentum, *lib. 3. contra duas Epist. Pelag. c. 4. &*
in Epist. 88. Libri V. Testam. sunt, qui ante